



Broj: 1-2-50-2-27-2/20
Banja Luka, 23.01.2020. godine

Na osnovu Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), postupajući po zahtjevu advokata iz Sarajeva, Direkcija za civilno vazduhoplovstvo Bosne i Hercegovine donosi:

RJEŠENJE
o pristupu informacijama

kojim se u cjelosti **ODOBRAVA** pristup informacijama pod kontrolom BHDCA dostavljanjem informacija

Obrazloženje

Dana 16.01.2020. godine Direkcija za civilno vazduhoplovstvo BiH (u daljem tekstu BHDCA), zaprimila je zahtjev na osnovu Zakona o slobodi pristupa informacijama u BiH, u kojem podnosilac, advokat iz Sarajeva, zahtijeva da mu se dostave sljedeće informacije:

1. U oviru Vaše institucije/organizacije, koliko ima ukupno zaposlenika (brojno stanje bez obzira na status zaposlenika neodređeno/određeno)? Da li imate formiranu disciplinsku komisiju (prvostepena i drugostepena) koja je kao nezavisno tijelo nadležna i odgovorna za provođenje postupka utvrđivanja disciplinske odgovornosti zaposlenika? Navedeno tijelo broji ukupno koliko članova (osnovni/zamjenski), koje su obrazovne struke (pravo/ekonomija/drugo)?
2. Koje akte u svom radu primjenjuje disciplinska komisija (Zakon/Pravilnik)?
3. Prema Pravilniku o utvrđivanju disciplinske i materijalne odgovornosti zaposlenika, da li je dozvoljeno i omogućeno da jedino i isključivo zaposlenik angažuje advokata u postupku utvrđivanja njegove disciplinske odgovornosti?
4. Da li su i u kom broju i osnovu pokretani i vođeni disciplinski postupci u okviru Vaše institucije/organizacije protiv zaposlenika u proteklom periodu od pet godina (2014-2019) po osnovu težih i/ili lakših povreda službene dužnosti?
5. U do sada provedenim disciplinskim postupcima, da li je zabilježen slučaj da je Vaša institucija/organizacija angažovala advokata/e na strani same institucije/organizacije kao poslodavca? Ukoliko je odgovor potvrđan, molim Vas da mi odgovorite kada se desio navedeni slučaj, ko je advokat/ica koji/a je bio/la angažovan/a, u kom obimu i po kom osnovu? Koliki je finansijski iznos koji je eventualno plaćen za troškove advokata? Ukoliko je odgovor negativan, dovoljno je da odgovorite kako Vaša institucija/organizacija nikada nije angažovala advokata/e u disciplinskim postupcima.

Postupajući po navedenom zahtjevu, a na osnovu člana 14. Zakona o slobodi pristupa informacijama u BiH, BHDCA je u cjelosti odobrila pristup informacijama kako je navedeno u dispozitivu Rješenja i podnosiocu zahtjeva dostavlja informacije kako je traženo:

1. U BHDCA ukupno ima 17 zaposlenika. BHDCA je formirala i prvostepenu i drugostepenu disciplinsku komisiju. Prvostepena komisija broji 3 člana i 3 zamjenska člana. Predsjednik prvostepene komisije i zamjenski član predsjednika prvostepene komisije su pravnici, a ostali članovi komisije, kao i zamjenski članovi prvostepene komisije su

ekonomisti i vazduhoplovno stručno osoblje. Drugostepena disciplinska komisije BHDCA komisija broji 5 članova i 5 zamjenskih članova. Predsjednik drugostepene disciplinske komisije i zamjenski član predsjednika drugostepene disciplinske komisije su pravnici, a ostali članovi komisije, kao i njihovi zamjenski članovi su ekonomisti i vazduhoplovno stručno osoblje.

2. U svom radu disciplinske komisije primjenjuju Zakon o radu u institucijama BiH i Pravilnik o disciplinskoj i materijalnoj odgovornosti zaposlenika u institucijama BiH.

3. Pokretača postupka zastupa poslodavac ili ovlašteno lice.

4. U traženom periodu u BHDCA su pokrenuta ukupno četiri disciplinska postupka i to tri disciplinska postupka po osnovu lakših povreda službene dužnosti i jedan po osnovu teže povrede disciplinske dužnosti.

5. BHDCA nije angažovala advokata u do sada provedenim disciplinskim postupcima.

U skladu sa članom 16. Zakona o slobodi pristupa informacijama u BiH, podnosilac zahtjeva oslobođen je plaćanja taksi i naknada na ovo rješenje.

Uputstvo o pravnom lijeku: Protiv ovog rješenja može se podnijeti žalba Žalbenom vijeću pri Savjetu ministara BiH kao drugostepenom organu i prigovor Ombudsmenu za ljudska prava BiH.

Dostavljeno:

-

-

- 71 000 Sarajevo

- a/a.

